

下總國鰭崎邨古冢碑

成島讓撰

市河三亥書

大隈守戸川安惠題額

下總國葛飾郡鰭崎村有一邱邱上有塚相傳古貴佳城之地老松一章植以為未蠹蠹摩霄士人因以名焉又神事之頗有靈應云天明甲辰關左大饑餓死相籍或意塚必有寶器因謀發之時里正渡邊充房其子寅俱告論曰寶器有無未可必焉凡竊人財謂之盜就令其中有者亦人財也迫於窮餓自比乎盜殆非人類爾輩寧死豈可為乎乃傾家貳以賙窮■賴得全活者累數十人迨後渡邊氏家遭日饒邱地亦竟為其有焉至其孫睦繼為里正古塚靈應益彰其辨香邱上者絡繹接踵第塚後有一窟人或時見白狐故就以為神而不知古塚之為靈者多矣睦為欲樹碑以紀其由質之於余余曰叢祠荒邱何地靡有獨此邱以靈威顯或其有神以興焉固宜欣敬而奉事也夫發稟掩■王政一端爾祖以一里正能遭古道修身及人其禦靈塚於發掘仁也其挽頹風乎淪壞義也既仁且義雖先王之治何以尚焉仰白狐靈獸也又窟於邱神而罰狐宜其易易狐而得宅神或不譴歟君子愛人推及屋為彼綏綏者其獨何責安知非狐之於神或供其使令者乎爾其勿問睦曰諾睦沈毅好學嘗遊于家翁之門頗有氣■盖非隴畝間人也銘曰

茫茫總野有隆其邱茲誰所宅座骨一弥遠邪近邪或王或候露泣荊棘風咽松楸夜臺冥漠花落水流獨遺精爽靈威炳彪會歲艱凶民尋殆淪誰能救之渡邊有人昔截鬼腕今妥神魂制欲以義賑窮以仁誠感強暴澤益鄉隣天錫之祉神餐其恩百口滋毓萬箱斯陳陰德之報積善之慶我聞其語今見此彰所靈勿替永守寧安諗爾匪解克具酒漿施其餘惠

鎮茲四疆

文政十一年歲次戊子夏五月 渡邊睦建

窪世祥鐫

下總國
鰭崎邨
古冢碑